

集部

欽定四庫全書明文敬集卷一

集部

詳校官監察御史臣曹 坦 中書臣劉源博覆勘

腾绿監上臣陸 熟校對官主事 陳 壩 總校官編修臣 王熊緒 アニロッ たれ 欽定四庫全書 胡文敬 提要 集 為本以經世軍物為用以主忠信為先以求 醇正為實乃過其師遠甚其學以治心養性 放心為要史稱薛瑄之後惟居仁一人而已 仁有易象抄已著録居仁本從具與弼遊而 臣 等謹案胡文敬集三卷明胡居仁撰居 胡文敬集 集部六 别集類五 明

多足匹库全書 隆四十六年十月恭校上 言不 成錐中多少作然近裏著已皆粹然儒者之 陰 詩文尤罕是集乃其門人食祐網 皆不輕為之註講授之語亦惟居業録一編 居仁病學者撰述繁蕪當謂朱子注私同契 符經皆可不作故易傳春秋傳外於 ルス 其師具與弼書動稱夢見孔子也敢 總緣官臣紀的臣陸動熊臣孫士毅 羅散失而 經書

7.0	Signal of the same	111	 -	 		
70. 7 !						
月丈敖陈			-			總
						總校官臣陸野墀
=					·	陸
						墀

77.2 Charles of Court Cases このは 一日 一日 CARRIED CO. CO. CO. A STATE 表以家貧親老於科舉之業既 明文族集 印月 温智真或少有所進但氣 **忠家稍開善端不昧癸** 胡居仁 撰

珠不足以與於此然亦不安於自棄而為下民之歸是 後世豈記誦詞章智謀功利之可同日語哉某自知昏 是以進而行之足以致者澤民退而明道亦可以傳於 行實踐為本故德益進身益修治平之道固已有諸已 吳先生之門通知古昔聖賢之學以存心窮理為要躬 平甲戌冬將小學習讀畧有所感於是往受教於臨川 愈甚日用常行之理一無所見况敢望其有日進之功 不獲專精治心修身之學又不知所以用力是以昏昧

多分四月全主

歲復游矣先生之門但不肯之質不知終能有所進否 質正今歲因家尊久疾不敢遠游故在鴉山習學凝來 物之間亦不敢不盡力於所當為深恨不獲面會以求 以不勝戒懼口將詩書易禮勉强弘索而日用事親接 之私虞人以非其招而不往孔子取之孟子亦曰往見 公事不見子游而先儒謂其有以自守而無枉已徇 聞先生所守家書及寄邑年李公書皆齒録暖名七 日邑幸到本都萬方令人召見某當調減明非

欽定四庫全書 切於人心有志聖賢之學者不可不求也聞國子監有 敢不以聖賢為法是以有違邑宰之命想邑宰之明必 印單分賜萬幸某去歲往建陽書坊買求止有晦庵文 遺書朱子語類伊洛淵源晦庵文集等書皆發於義理 之敬附邵子擊壤集奉呈京中凡有先儒書籍如程子 不義也不肖固不敢自附古之賢人而守身之法亦不 极未知真否若的有极可以入印煩報數字即附買紙 不深責但不肖所為不知果當於義否幸先生有以教

采納 先生豈有是哉正所以憫居仁之昏惰而以是警教之 又過自謙抑謂聰明不及於前時道德日負於初心在 先生在任以文學清謹見稱政事之間亦望勉力程子 去歲辱惠書皆紫過假褒美拜讀之餘愈增悚懼先生 集即今刊极未完其餘諸書皆無又附小詩 命之士尚存心於爱物於人必有所濟况先生乎 寄于先生 月文茂集

欽定四庫全書 伏 敢 主敬功疎故日用之間身心紛擾志氣易昏尚能敬 也敢不拜教居仁因奉教言以自省所以致此者良由 明睿智皆由此出朱子曰唯敬則聰明居仁所聞如 直内則心存理明豈有此患哉程子曰唯一於恭敬聰 敬仰敬仰生竊以為人之有生均氣同體固無物我 請質於函文也 聞先生力學不已康謹自守為國為民之心久而益 復于先生 北

讀書雖讀萬卷何益若上之愛民真如慈母之愛赤子 語言如保赤子一句人誰不讀實能體此者寡馬如此 漠然而無干者亦以為欲所汨失其天地之心且如康 政者以修身為本爱民為重求賢為急又蒙教翰言居 非得賢才講究條畫亦無以盡施設之方也故古之為 則几以安其生防其逸新其徳者無所不用其至矣然 要動侧但所以愛民如子者非出於强為也彼其視民 彼此之間况上之於民尊臨撫育有父子之義故賢君 月し改奏

京國多書因於貧乏不能往求如遇有聖賢遺書更望 **金定四庫全書** 生前年十月捐館未審知否某牌處窮鄉難得書籍聞 學力球沒操存不密違禮甚多過後悔悟追回不及自 無窮理力行之實此有志者不能不以為憂也康齋先 話務博為業以註書為能傳道使世之學者淺陋昏昧 如何又念道自宋儒去後不勝寥落自元及今儒以訓 今以後再欲改過庶全人道以求無辱於親不知果能 仁於父母之丧矣能盡其禮拜讀之餘愈慚愈懼自念

賜馬 家齊而國治也先生積學二十餘年今始見用此心 應天下之務矣是以大學始教以窮理修身為先然後 庶事雖繁應之自無不足天下雖大治之自然有餘 竊謂人之本心全具此理苟全體不虧則大用不乏 人資稟或偏私從錮藏故本心遂昏不能燭天下之理 固己的然但當竭忠盡力果敢以行之剛毅以斷之 义奉于先生 月に改き 故 此 但

慚懼愈甚也 無存養之功故學問無得力處也今歲四方朋類漸至 古人不敢忽也某即今僻處禮吾愚拙益甚蓋緣身心 有辜鄉邦之望諒先生之賢决不至此但戒懼之意亦 實難名節 服名節益彰此某倦倦之望也尚或處事有失則補過 使平日所學者不托之空言而見諸行事将見人民感 人數二十以上但才他球寡訓華無方不能有益於人 虧則悔各必至不惟有失民下之心亦且

銀定匹庫全書

ションフェーノー 心下未必被其澤矣聴得遂耳之言方能來忠直之士 人之政方為本末兼盡為政以得人為先觀先生左右 諂佞之人不可信也不舉賢才不可為季氏宰况大郡 乎下官下吏皆當擇人而任之但進退之權不在先生 在公者少有忠直之士恐聰明敬隔雖有仁民愛物之 人在世間做得本分事業者亦難矣先生之心無愧於 人致治之基本在此矣但不忍人之心又須有不忍 胡文敬集

常見有此人切不可言古道不可行于今今先生有此 守出榜指人來言飲失古人有求言乞言之禮後世何 善哉諸葛孔明言有能攻亮之失乃爱亮也朱子為太 亦當發相長官喜得王候聰明英傑若積其誠意以父 仁心百姓皆仰戴遠遇皆聞風豈不是古道可行擇官 能之意此拒絕言路之端禹聞善言則拜孰不樂告以 不才者當退之紙不能退亦當戒之先生頗有自善其 兄之禮事之未必掣肘下官下吏有賢能者褒為禮待

金六四件全書

賢能亦當擇忠厚淳良者若綱紀法度不立只去聴訟 乎其聚不亦樂乎居仁當竊誦此而知道義之貴不可 則愚是道義由師友有之而得貴且尊其義不亦重 周子口道義者身有之則貴且尊人生而蒙長無師友 有幾多精神居仁受先生恩厚不敢不盡誠悃 不由已吏可擇矣里長不可擇老人可擇矣糧長難得 不求師友之重不可不寫與辰歲與閣下共學閣下學 寄潘太 胡文敦集

徐君甚豪爽居仁具告以古人為學之意渠自言回家 徐君謙携琴訪於版廬敬奉尺牘以通音問鄙拙不文 白學但覺操持不密身心昏怠有負夙志耳今因仁里 覺五年想閣下學益日進操益日堅矣居仁抱不逮之 敬慕而欲取以輔仁馬又期共進於遠大之業別後條 傳而才敏長於子者四歲重厚靜密過於子居仁是以 資獨無師反之助悠悠度日甚懼湮沒已在山中結廬 不能委盡情誼更望益勉所學以進於聖賢之道為幸

多定匹库全書

進 其威儀略麁亦望檢攝仁里或有後進可進於善者便 疊山謝氏日士屈於不知已伸於知已夫不知已則 當開示以聖學門庭庶使吾道不孤劉友操未知其所 **香志進學果能爾亦足以激勵後學更望輔翼為幸但** (佐胄夫知已者徳合道同言契氣合不以生死 如何可勉勵之無使廢墜會晤無期徒增耿耿 以為惡目正以為邪此富韓被點於荆公汝愚受誣 謝蘇章文簡兵部主事 **月文致集** 耳 利害 拈

失其所亨此也今閣下乃能憫吾因辱而解其罪 情為謝惟閣下持是心以自勉以古道自期益廣其所 罪 狐學寡薄行凉凉官更不知吾之本心仇人過誣吾之 明處心之厚不得不然爾居仁亦不敢以一已之私 者能如是手然亦非私於居仁之一身以間下學識 有問故祁奚解叔向之囚霍請雪范滂之獄居仁才 於在已者而已宜以外至者為榮辱哉易曰国 惡利欲盛而天理微宜乎屈而不伸也雖然求其無 非 而 知 不

金克四庫全書

表

陷於禽獸之域者有矣此道之所以不明不行也是以 道又何以學為哉然此道也原於性命具於人心見於 知益為其所行居仁得以少助其講論切磋之益閣 真喪其本心之善而於日用之間無非私意妄作甚則 日用但人之生也氣熏有拘物欲藏之故失其性命之 有自成之功此所以為謝也 竊謂道非學不明學非道不正益學所以明道尚不 明 C.JO not like 復汪謙 胡文敬集

思孟之所學皆以此也及孟子沒而失其傅者干有餘 金与四屋台灣 之故吾道遂大明於宋馬西山真氏亦庶幾乎此也元 然於方寸之內精一謹獨省察於已發之際使是道之 古告聖賢怕慄戒懼存養於未發之前使是道之體的 年周子發其端於前程子遂擴而大之朱子又集而全 物同其功豈詞章功利之可凝哉昔孔子之所傳顏曾 之魯齊許氏雖其道德之全未及於宋觀其所行端悉 用流行於日用事物之間極其至也與天地同其大造

務實亦非世儒訓話之可比也此外諸儒皆以考索為 鍊淺終不能遂也今憲府潮陽李先生有見於此即文 也但其寡組釣摘有便於人之口舌故幼學之士皆悦 氏吳季子等則其口語亂道其不得罪於聖門吾不信 寡馬若雙奉饒氏公遷朱氏已不免此與其流至於 陳 足以明道註解為足以傳道求其操存践履之實者盖 而践行之刊落浮華一趨本實庶有以革其弊但力學 而尚之其害為尤甚也居仁思與天下豪傑之士講明 1. 1.1. 明文致集

苟賢才不立雖有仁民爱物之心孰與行之學校之政 才為急其所以作與人才造成後進又必以學校為先 竊聞城帝明王所以建立人極扶植生民未始不以賢 道决之以義亦非居仁之所敢適莫也 奮勵之日而足下已與其選必將用力於聖賢之學以 明斯道者復衆見諭區區之出處然此事但當揆之以 公舊日講道之所重復作與此正斯文復盛之秋豪傑 復南康何濬太守 卷一

多方四月全書

隆平之治哉嗚呼所謂君子不幸而不得聞大道之要 子集屋賢之大成以症教萬世者至為詳盡然自漢以 所以雍熙悠久者本於斯馬如堯舜命司徒惇五典三 不修而欲造人才成善治兹亦難矣故唐虞三代之治 後在上者雖或建學而無教養之本為學者徒守章句 代明庠序學校之教具見於經傳可考而知也若吾夫 小人不幸而不得紫至治之澤者可勝痛哉幸而問程 而不知進修之方其人才之不如古宜矣尚望其及於 明文技集

之功也今去數居子已遠口語詞章譯然以收於世利 始能脱乎章句之陋以求造聖賢之斌志治者亦有不 共明聖道為國家崇建人文之本育才論秀之實將使 賢故居文公舊日講道之所重建學官招至四方 賢俊 禄之誘汲汲以奪其心不有好古信道之君子孰能起 張朱數君子者出馬大明聖道然後士之有志於學者 而正之哉愈憲潮陽李先生與賢執事好古篤信即先 屑漢唐智力之末而從堯舜其君民者皆數君子倡道

金丘匹库全書

資性英明才氣高邁抱負宏大居仁所以深為公南喜 昨歲見示陳公甫詩誦讀之餘令人情意浩然夫公甫 厚幣用重煩郡學司訓降臨衡等然此聘賢厚禮居仁 勝惊懼對使拜受侯安養老母超拜黃堂以圖面謝 於今日矣去歲愈憲先生辱枉下顧今者賢侯善辭令 士氣大振賢才幸與所謂愷悌君子遇不作人者復見 陋曷足以當之但禮意已至有不得解馬者是以不 與丘時雅 阴文徒集 ţ

學不學也然世之學者不少而道卒無以復乎古昔之 道之在天下者未嘗一日無所以有明不明者由人之 者在此而不在彼也 也觀其詩皆雄才大略之所發其體律句語又皆高切 古健靡不有法豈其以此為重而用心乎抑以此為末 而不為所累乎夫人之心虚靈不測函具萬理必其無 毫之累乃能與天地同其大故僕之所以望於公前 奉羅一 峰

我 定 四 庫全書

くこうも 生同時何幸如之宣但托交而已哉意者天憫斯道之 道甚力居仁不勝所躍正嘆今世乏此等人品不意得 没正學不傳士風顏靡間有英才豪傑有志於此者然 正之學雖倍其功而無益其害於世也必矣自宋儒既 盛者由其所學有正不正用功有真不真也以不真不 心行已之要又獲親住翰遂此推求而知所志不凡 以信從者寡終無以振起斯文不變士風也伏聞先生 有志於此未知其詳近日得會丘董二公具道先生處). LL. 明文敬集 三 任

本益固愚意此聖賢千百世為學之要法程朱能 同者然其工夫造極亦不能無大同小異處如程子言 竊疑程夫子朱夫子俱傅聖人之道其全體大用無 涵養須用敬進學則在致知朱子又作敬齊箴又言主 餘欲求正者甚多尚期面晤不盡述也 孤生此豪傑共任倡與之責與即欲超拜未知能就道 否氣以賤體瘧疾故謹裁書并疑義數端專人齊奉其 以立其本窮理以進其知使本立而知益明知精 **垃止库全書** 卷 用 不 而

灾定四草公等 山真氏知居敬窮理故學雖博有本體工夫魯齊許氏 是以後儒者多是窮索文義以博物洽聞為學僅有西 異也未知是否 則程子涵養功完故踐履極其純正來子窮理翫索功 密故文理極其纖悉此造德亦各有所極而不能無少 如 煩實體之功少矣再傅則流於口語遂失其真也自 疑朱子沒其門人親炙朱子日久尚未甚失然訓 此故其工夫全體道亦全盡非諸儒所及然細推 7 胡文敬集 解

學陸子尊德性說得不是愚以為尊德性工夫亦莫 甚聰明晚年做得無意思其論朱陸之學以朱子道問 朱子平日操存涵養無非尊德性之事又觀其德性箴 何當不以尊德性為重乎但其存心窮理之功未當偏 不務辭說故學雖未極全體而踐履確實吳草廬初 都空了謂之能尊德性可乎未知是否 非若陸子之專本而遺木其後陸子陷於禪學將德 疑日用間工夫最怕做得不真第二 H 巻 一則怕問 斷近見 如 年

大正四年七島 又有不知主敬存心廣覽博記遂成博雜無以貫通手 語類中有做主敬存心工夫不得其要遂入於禪學者 知聖賢操存省察之要然為一節之士者又有氣質温 體用之妙者又有侍其才氣剛大自謂能任道力行不 便為全體之害故不真者多害道問斷者無成功未知 夫間斷卒無成得者又有兼好詩文遂為所害造道不 厚恬淡自能涵養工夫不知戒謹恐懼之實者又有工 統者大抵要傅聖賢之道須實有聖賢工夫稍有所偏 V 明文敬集

是否 金少世五七二十 竊疑先儒言為政不法三代終茍道也居仁嘗思須要

有聖賢之學方做得三代成程子言有天德便可語王

此然董仲舒本領統正才力恐有未及乳明才力可 道是也三代以下漢唐宋為盛唐之人才駁雜無可與 此者漢之人才大概近古如董仲舒諸葛亮庶幾乎

治道乃所優為借乎不曾收拾來做也今之人才寥落

統正不及者伊周事業大抵難若宋則人才之盛三代

A

否 達之則德業之盛此乎若太山之高治乎若滄溟之深 特甚此有志者所當益修其遇不遇則在時也未知是 燒乎若日星之炳久而為聖為賢者益以其始能不失 所貴乎士者以其能立於斯世而不失其所守也故充 正高明辨以示教為幸 右疑義管見所窥測竊恐工夫未足不能無差因書求 ここうし シェー 與辜嗣 明文敬集

交之心但貴賤勢隔不敢妄自進於門下於去歲始 縣溢之意必其中之所守有大過人者某以故欲致 士乎代聞足下明達賢良恬然自若雖遭遇通顧略 確然自守而無驕淫尚諂之意者心竊慕之况同世之 其極乎某當觀古人於富貴貧賤之間窮通得喪之 其守終能馴至其極也故朱子曰能知為士之道則知 貪昧苟且讀書益多講究益廣無以有諸已矣况能 為聖之道尚或一失所守則制行頓虧本心遂喪甚 際 願 臻 無 則

金点四月全書

徳為何如哉豐山謝先生云士屈於不知已伸於知已 てこうら 伏望明達終察愚情於李公處特順片言得逐鄙志感 於林壑正其宜也至於出入公門溫名師職豈所願 懷也但某資性愚弱用功強沒幾於湮没而不能自拔 敢佈腹心 懇解再三未衆回允夫以某之愚鈍蘇懶因於莲芽老 矣向衆邑宰李公不知某之不肖特賜眷爱命於社學 1.1. 明文敦集 池

賜接見覩德容而聽言教受益實多至今未當忘於

春秋大義在於安中國治四境廉州濒海而阻山兄今 金克匹母全書 得面會當達尊意 之幸乎居仁抱愚守扯無用於世辱衆眷問賜以厚禮 先正云爱民之實當擇守令之賢則守令者實民命所 不勝銘感于同府乃居仁春秋師又兼世姻冬初回 非才德備者不足以當之而明執事居此豈非生民 與劉用光 答進邑大尹 X. 岩

謀之審而行之勇也亦須示之恩信使知吾無害之之 於包四年至事 國 之或據險以邀之或登萬以壓之或設疑以亂之貴在 吾兵精吾備嚴彼自不敢來犯設若來犯亦當速攘之 而不可緩或嚴兵以威之或設奇以勝之或藏伏以擊 使之各安其所不得以擾吾民猾中夏而己尚吾民安 亦偏習尚惡陋先王因其如此故攘而却之守而備之 洞穴之險不習中國禮義之俗盖因風氣偏僻故禀氣 守此在惠澤以及吾民者固有道矣而稱僚侍其山谿 胡文敬集

意彼必畏威懷德各安其分無說親之心也先儒云禦 者切實為已者甚少若非主教者真體實践以開聖賢 敢倂及之 太守之職在於撫民然文武全才亦豪傑之所當盡者 蠻夷之道以守備為本不以攻戰為先尤為切要也 去秋姚悌回言尊兄今歳開學西山未知的否今之學 路指示聖賢工夫後學如何下手舒晃別後有音問 舒张廷祥 錐

次包日本·一丁 宗也聞門下有欲入廣游者豈非厭此之甲近喜彼之 **高大歟又聞老夫人欲往邵武兄欲隨行此亦當以義** 尊兄裁節雜冗專以修身講學為事庶使有志者有所 通病又有以智計處事以為有才反流於許妄者伏望 於空虚甲者流於詞章功利是以依乎中庸為難且好 高妙厭埋近好奇異厭平實喜寬縱憚絕檢此學者之 否大抵人之為學易偏尚無真儒為之依歸則高者入 否不知親函文時如何教他做工夫門下更有可望者 胡文敬集

瀬亦有志之士統為額悟望老兄與進是幸居仁賤疾 比舊日為安矣但學業未有精進尚未敢無所事也 此人安貧守道亦世所難當扶持疑勵以成其德也文 勝於勞動老人溺爱而住乎陳剛書來言新創學屋於 裁之老人年高氣衰闘有嵐瘴尤非所宜古之致女者 梧本居仁擬此月盡去一游若得吾兄來彼一會為幸 多是追使達命以盡恩意若命子弟以禮物致意豈不 金グピクター 與陳大中 卷一 **飲定四庫全書** 眺諸峰候大中至再與徜徉初九日早抵家噫居仁 諸峰高聳端圓磊落級目怡情惜不得與大中共之幕 望於大中者不淺大中所以自任不輕必存心極其密 初七日紫送至高方而别晚經嚴方分水積膽覽雄嵐 理 塔水吳當傑益之家好禮備至亦可謂北道主人 與江深 極其精方可深造乎道也 日偕傑益同游五彩山至收陽而别午歷李梅 N. **利文敬集** Ŧ 贍 矣 斺

每思及之欲發一言以達愚誠又無便使令謹裁書煩 居 彼也進為之方聖賢方冊已備在人體驗何如耳四書 司訓虞君附呈夫古之君子進則救民退則修已其心 外惟近思錄親切不可不讀 虚無寂滅又非窮理修身之道此所以不可拾此而 不學聖賢則學無歸宿功名利禄既非立身置足之地 仁游制辱公禮際之厚自處愚恆無以答德意萬 與戴太守 就

飲定四庫全書 题 政 信於上感於下不待教令之出而民已向化矣况其發 道 矣居仁向在贵郡與公相接之久知公才識足以有為 小康而已若夫修已者則其公平正大之心昭格無 類播於遠近傳於後世如 施仁之際如雨露霜雪何物而不被哉雖或為權 也益修已者必能放民救民者必本於修已後世此 不明居位者不本於修己而以才智計謀為治僅至 不得盡施而其心固已協於神明字於民無譽於 **长一** 胡文敬集 此 則爵雖不進而身益祭 勢

此道理與生俱生有一毫未盡便是欠缺了自家底故 仁識淺不足以深知公之益心術隱微之間惟明公自 之言然感公之厚德非言以陳善又不足以報也但居 之有害民傷化者悉除而去之公之高明固不待愚者 察自省以盡古人修已治人之道幸甚 以處事凡政之有益於民者有關於教化者悉舉而行 典利疾公已能察知伏惟以公平正大之心據天理 寄 張廷祥

居仁今家二司大人延請入白鹿洞自於才德雖薄不 獲禽雖多終是說遇此處見得分明則王道伯術判 欲質於高明也 提警扶持全有賴於吾兄竊觀聖賢之教雖多不出於 存心處事存心以敬處事以義敬義立而徳不孤看來 途而不混矣尊兄於此該察之已審但愚昧之見亦 人處事多是智計才識未當有義以方外之實學故 寄周時可 月と比集 姚

游與同入白應月餘方歸後生輩如此人之志亦不多 拳於此遗錢命後人典理先生之心亦然故以為請 先生命名不知是否今已無存文會堂亦無存今欲修 見此皆時可作與獎拔之功也希賢室不知誰做 足以倡與斯道今之士子汨於功利慰然志於正學者 甚少衆遣武平舒見從劉文綱受經卒業後復從居仁 志追述其事望回示本末為幸洞中少書籍望廣求 洞以嘉惠後學幸甚告朱子雖升去浙東提點猶拳 聞是

一 好定四庫全書

害之能脱此累者又皆過於高妙淪於空虚其所以正 開示其用功之要幸甚今之士習不美只緣科舉功利 武平舒見來從先生游吾道中得此人有可望者尊兄 望于足下及周君鎬管君瑞劉君希孟白鹿洞亦望賢 閩之舒冕來從張兄游所以輔仁責善盡麗澤之益有 人心振士氣其責豈不在吾之廷祥乎 奉張廷祥 與文崇徳 月文改集 Ī

越定四庫全書 **單連站而來表率士類** 賢侯作與之功斯為至矣 人安貧守道望禮請到洞則後學有所熏炙士風必振 人才漸集居仁一人難以獨教有進賢縣辛卯科學人 竊聞先覺者後學之所效益友者衆人之所親今洞中 剛因為母老不忍遠仕常年在家進學訓迪後進 **薦陳大中** 寄丘時雍 其

為 蒙示以君子有教無類不可有所 将不勝盖君子修已誨人出於中心之誠故如此也又 餆 其人豈論其類哉若其心本非墓道只因見上司 公之教反玷上司作與之盛意若此者尊兄將何 .所當佩服然其以慕道之心而來者固當惟然樂 城悟會之後又蒙教翰見喻又以詩贈從游之士感 作隊習為怠惰放肆之行見利則爭聞義不服壞 利禄而來者教之以善則不聽尊之以德則 月之沒妻 擇此先生之盛心 不從成 作 ンン 處 居 得 文 舆

舉業之人尚不屑至英邁超卓之人尚肯至乎如此則 做舉業底人來聪明敏達能做舉業底人都不來矣能 之乎外人聞此必將諠起誇議又將何以自解乎是以 庭以來豪傑之士若泊於舉業但招得一等凡才不會 俟賢才之集夫謹其始尚恐不能保其終况不謹其始 居仁益憂益懼恐教無所施也尚賴尊兄與廷祥張 能保其終乎居仁益欲不為拙工改廢絕墨開聖學 力赞其事上司諸公亦有尚徳之心故某暫可居 洞 胂 兄 ソソ

欽定匹庫全書

卷

文章尚不能得其上者況道德乎其必自壞其德業況 時退則修已必不虚過一生以兄之才識進道不已 達於諸公扶持名教高明之本心故以此為請不知 豪條必將漸至退以數年將見人才輩出又何患洞之 能成就人之德業乎若崇道德舉英才振士氣則四方 兄即今工夫如何進德修業必益不倦古之人進則 不與乎與洞之法無出於此者欲望時难條具此意以 可量哉沉道在日用無時無處不是吾人進學處但要 胡文敬集 救 何 吾

賓客上察道理讀書便從讀書上察道理是者行之 洮 竊思古之學校所繫甚重凡國家之事無不出於學者 古之聖賢固不求功名功名未有大於聖賢者 者去之聖賢工夫不出於此君子藏罷於身待時而動 存心省察如事親則在事親上察道理接實客便從接 政由教出治以道明故士之所學者無非修身致治 惟舉用賢才出於學雖行兵出師亦受成於學也益 奉夏憲副 非

超定四月全書

e i

胡 事物物盡其當然之則使生民各得其所乎程子謂其 之長其於天下之事不過補其罅漏修其欽壞豈能事 治之人如蕭曹房杜等號稱賢相然亦以其智謀才力 學校之教不過以訓註記誦為業未當即物以窮天下 こうしここ ঽ 未當以道治天下不過以法犯持是也至宋之時安定 之道上之所行者無非學校所窮之理也自漢魏以 先生能知乎此故立經義齊治事齊以教學者凡治 理故無修身致治之具上之所用者非得乎明德致 明文技集

銀定匹牌全書 鄉隣貧困家人無以為生謹此上呈雖曰我時之急亦 質錐愚弱竊有感馬每欲學之而未能也向因家貧 民治兵水利算數無不講究其後關洛諸公繼出故格 旱窮究水利編集成為特以身居下賤未能推行痛念 物窮理之學修身治世之道與然如出三代之上居仁 以呈於先生者以先生儒道宗主使人知學校之重 以示學者便知即事窮理不專為紙筆無用之學也 ^ 卷! 餓

之學無不在乎實地上做故程朱與當時議論每以 世之君子往往過於高妙以為甲下而不取竊觀聖 ソン 髙為戒也 欲求其是而合於一也豈敢被我相高而為自私乎 之道一也固無彼此之殊惟其是而已矣犯孟程朱 前歲辱書示教未能領悉欲面罄而無由然天下古今 異世而 與婁克貞 同符某每與同志講論不敢 明文教集 朝有雷同者 賢 但 亦 所 好

妄意為學工夫浮華卒無所得近年以來稍悟前失欲 及某因得反復思釋竊窺其一二夫公前天資太高清 先覺以求正者反辱乖念怠緩之罪何可逃也某不肖 不知何日得遂趨見之願也承諭公前書衆克貞兄示 正之所感多矣又蒙欲與羅先生下顧此某所當超拜 去歲辱惠書開示為學之要盖恐某學有所偏而欲救 精 切用工不幸疾病來侵幾死者再至今氣體 復張廷祥 Ņ 虚乏

銀定四庫全書

於理 於黃老反以聖賢禮法為太嚴先儒傳義為煩贅而欲 道 持獲不若日用 规 切虚無 脱灑所見超然不為物累而不屑為下學故不覺流 自此而行夫道本人所同有公前口至無而動莫實 则 矩 可以操 公甫 謹進退內則主一無適使無雜擾庶手內外交養 以求道真錐口至無而動 曰 致 存使大本自此 虚 間且從事下學外則整衣冠正容 所 以立 明文改集 本此皆不可晓也 而立動 如以手捉風無 則可以省察使達 望将 體 H 所 意 蹈

道降矣居仁人微學寡僻處窮鄉尚安愚分雖鄉黨富 卿 見如此未知是否 附達公前以公前之高明必能自省庶幾正學可續愚 不登用而治道隆矣士求於公卿則康此之心喪而世 程子曰古之時公卿求於士後世則士求於公卿益公 求士所 不敢有求况公卿大人乎今蒙大人怡然忘勢以 復憲使陳文耀 以樂善好義之誠故四方莫不感化賢才莫

欽定四庫全書

V.

影

之明哉 謹 禮愚賤有古公卿之風無愧於程子之言也感激不勝 所 者亦將以類而合區區愚陋又安足以副賢君子知人 為陽惡為陰以人而言則君子為陽小人為陰故聖人 陰 此申謝伏望以此謙光之徳廣訪求之道則賢於某 以扶陽抑陰者惟恐君子之道不長小人之道或盛 謝夏憲副 陽之謂道故聖人作易以明之以事而言則善 明文敦集

金完四庫全書 世 先生所以眷顧於愚賤者亦欲君子之道長也所以 致其扶持喜幸之意其於陰長之卦曰姤曰逐曰否 也其於陽長之卦曰復曰臨曰泰曰大壯曰夫所 道也蒙先生以君子之道待之故不敢不以此為言 教者深矣所以 源拜讀未能釋手感戴之重何止拱璧 日剥所以深致其憂懼戒 抑之心某非能有君子之 謝 陳愈憲 開示學者為善之方至矣所賜伊 数 ソス 為 而 洛 深 回

尺已日早八日 也紫公之好如此沉實有是善者乎然則不善者其有 者之所不敢忽也然是善也一 且感且幸也 天下無不足益賢才以類合而從民庶以觀感而化 不畏者乎推而行之惡綱其有不振者乎此某之所以 公好善由乎中心出治之本其在此乎某非能有善 聞天命之性純粹至善循之則治失之則亂此致治 答本縣請鄉飲 Ą 胡文敬集 念發於心為甚微達之 争 惟 者

君子所不取誠意未至君子所不受或尊意未察以居 往歲質疑於左右未蒙正其是非竊自疑其詞義很屑 金少世人名言 顧德不足斧式犀類言不足開示周行疾體久贏未能 禮召及愚儒非敢為長往過中之行懷沮溺忘世之心 俗其制作出於聖人之手遵行在於司收之賢舉茲 國朝舉行鄉飲其禮在於養老尊賢其德在於化民成 奔赴伏望賢明俯垂仁恕 與羅 峰 蓝

右者以非左右之公不能受非左右之明不能擇非左 大無私矣但居仁不得以消聞過之渴也然天下之言 友以為先生非徒不鄙反以警示學者先生之心固廣 右之賢不能發揚以及後學今先生望重四方為學者 不得已而言者乃當言也非私也居仁所以進言於左 理而妄言者好言與妄言雖智愚不同其私則一也惟 有不得已而言者有得已不已而好言者亦有不知其 托病自高而抑其僭妄方將自反續後聞知四方士

文已日日八言

胡文敬集

亦 金月山月五十 見論語河洛投受具載遺書文集紫陽投受具載 文集此皆先生所素講者惟體驗而力行之以開 不勝欣悦其立教規模量必胞合古意然洙泗授受具 别 仰道之與廢所繫先生固不可不自重其任而居 無窮矣居仁俟疾一 不得不與先生明辯以求至當之歸也所欲言者 紙惟高明采擇幸甚伏聞與創金牛洞以教學 則英才類至道之明也可其學之傳也可久而 一愈即來觀光而少替於下風馬 聖 語 學 澤 渚 具 類

胩 凶 於文王周公備於孔子而明於程朱所以然者因風氣 告朱子註書多與朋友講論盖易之為書始於伏羲成 伏聞先生作易經集說不知尊意所在願附一本見教 **えこりこここ** 不同世變不一太古之時世質民淳只用卦畫以示吉 文王周公所憂患者何事至孔子當周末王教不明 曰易之與也其於中古乎作易者其有憂患乎然須 則 而開物成務利用厚生解不繫可也至文王周公之 世故漸多情偽百出德不可不正辭不可不繫故 N 胡文敬集 Ī 知 世

道益下其所憂者又非文王周公之比故十異之作不 得已也與武派而作春秋同意至孟子以後諸儒妄以 氣而有詳略所謂隨時變易以從道是也義易者太古 愚意易之書具於未畫之前明於既畫之後因世變風 之本義使古今一貫非以程易之未善而更作本義也 聖人之意程子憂且懼矣故作傅文然後體用一源 已意穿鑿溺象數而不知求理循流而不知求源逐失 無間而易大明矣朱子又推本伏羲文王立卦繫辭 顯

超好匹库全書

V,

数i

姑撮其大要其餘詳細尚圖面賢居仁又有不得已而 程易者今世當用之易也本義者推原古易以及今也 之易也周易者中古之易也乳易者末世症教之易也 知其非而不告已虧朋友之義所以輔仁責善者其失 妙遂與正道背馳不知先生曾疑之否若曰不知其 言者公南陳先生名重海內與先生所交最深居仁 則思修身事親不可以不知人思知人不可以不知天 四方士子亦以斯道望於公甫不意天資過高入於虚 しこう ニーン・「四 钥文收集 與 非

聞 知其所以為天而未嘗曰天自信天也 精微者乃老莊佛氏之餘緒聖賢之言平正切實天錐 推之其曰天自信天地自信地吾自信吾又曰塵微六 人才有晚年而學益進德益熟者有晚年學問志氣聰 已在我獲覩公南與何時矩書於然喜其見道大意然 合瞬息千古只是 知去冬與陳公前相處所以講切者如何竊觀古今 奉張廷祥 一箇偷何自大之言非真見此道之

超好四阵全書

Κi

大心可声八十 者更望致謹於燕閉獨處益致博約之功幸甚居仁 懼謹以獻於高明乞亦加省有可見教處莫斬為幸 即此可驗所學之正否工夫之政密靜而思之不勝戒 明俱不及前者又有晚年所失愈甚遂至顛倒錯亂者 丘時雍渠深恨未得與從善相會丘公爱士出於中心 侚 誠 得會聚深副愚望益天下可樂可悦之事無過於此 寄葵登 如再至郡宜一訪之 7 胡文敬集 Ė 會

家 敢遠出而趨拜之願莫能遂也陳公甫 裁制古人道修於身乃行於家道行於家乃行於國故 正若禄 金好四月至皇 且住 制已終不審出處若何大抵仕以行道乃為出處之 不知講貫如何大概 詳觀居仁於去年喪妻家無內主兒女無依故 為正家之本牆沒為敗國之原唐高宗玄宗實録 奉憲副 仕則有時 張希仁 而然非常理也繼嗣事量高明自 此兄學太高虚起脱於正學有 聞去冬到先生 有 不

大已日年 200 萬世之程準先儒發 夫春秋仲尼用意最深者當時產聖制作已備然皆當 人是其所當是非其所當非裁酌 代事聖人固已述之為後世法若春秋則亂世之事 居仁欲修春秋集傳此志已久惜學力未至不敢下筆 害先生察之否 大典乃約而盡諸儒之傳亦 寄張廷祥 明 宗古雖多惟 胡文敬集 帷 程子發明 損益為百王之中 程子以為經 精 もの 彭 有力 世之 如 制 聖

言 秋 傅 也 有 子謹 知 可舉而行也先 及先儒言之精 張大穿鑿之病乎居仁欲 謂聖人行事 傳雖議論發越然義理切當不及程傳多矣况未免 附異之做 春秋哉愚以先知 以愚見賢於高 許 難知聖人行事王道也理精道明豈 儒 切 經 者以發明聖人之意要使王道 集傅先訓文義叙事蹟 謂 聖人心事難 明幸多新 春秋莫如孟子後知春秋莫如 取 程 傅 教 為正旁取 知聖人心事 然後 諸 儒 天 用 有 Z 燦 理 胡

金少世

Ŀ

生量

辛卯年得疾經綿八年方愈故血氣早衰不能精進 哉大抵為學之道在於窮理修身朋友之道在於講學 輔仁苟不務此雖日相親而無益也夫古之人遍交天 幼年同學之士或一別而再不相會或雖會而相處不 久則此學之衰可知今衆書翰遠降相爱之厚為何 下之士以明其善力師聖賢以准其歸豈可偏狹固滞 一善以自足乎居仁自丙戌年喪父戊子年喪母至 寄晏洧 別文收集 如

成我做個人欲盡餘年殘日付歸學業以畢此生不 **殿殿老將至矣某昨因自思送遭憂患或是天意欲作** 知老兄今日所進若何又不知盡簪之期在何時歲月 數奉書於左右似乎煩瀆然以先生之賢而不與言則 吾兄肯同志相輔 又喪妻無 存心察理亦無非進學之地今未能然所以可愧也不 奉 張廷祥 一好况但此道理無處不在雖居憂患苟能 否 知

金烷四月全書

ij.

长

「へこう」 ここ 滔天之禍盡歸於佛氏令其說已流傳海內士大夫宗 氏又做存養工夫其精微高大善引誘人又善駕取 中人以上之人其才高其說妙非窮理精者莫能窺其 然皆中人也其失易知故其害亦淺老佛所引陷者皆 失人矣又孰可與言乎正學孰與倡乎邪說孰與熄乎 失以二氏論之佛氏之害尤大老氏只是虛靜無為佛 竊意聖道之大害有二功利異端也功利之害人雖泉 上者被其引化中者被其驅駕下者被其誣誑所 別文段 集

之者甚多先生用何以熄之乎愚意莫先自治躬率學 賴共扶此道但不知他窮理工夫如何所欲言者甚多 何聞一峰先生廣大剛健無騙各之私樂與人為善欲 能指其病而正之此內修而外壤之道也高明以為 之書切已體察使吾身心義理有以 者去了許多好高妙底病漏日将四書反復熟究程 述數端具陳別 上邑宰 紙願賜裁正 洞貫大本然後 方 朱 如

超炭四库全書

发:

徒典樂之官三代库序學校之設教養之道至兵而 禮地官之職又有考察施行道藝之法此其風俗之 之教然後得以明乎善而復其性馬夫自唐虞建立司 是以有智愚賢不肯之分過不及之與必類聖人修道 智之德其用則為惻隱羞惡辭讓是非之情是皆本於 こううここ 以淳厚賢才之所以衆多也追夫周衰教弛乳子以聖 自然非有待於强為也惟氣質不齊物欲或從而蔽之 竊聞天命之性具於人心渾然至善其體則為仁義禮 胡文敬集 ŧ 所 周

諸 德無位乃與顏曾之徒自相授 受以傳其道又州述 游講習以成所學故三代以下稱人才之多者必曰宋 泰山孫石之徒白鹿都麓之類亦得以 下雖讀其書解能得其意講其理未必踐其實至宋之 伏惟太祖高皇帝肇有鴻基崇建人文廣立學校以 政治之本故賢才之出亦不乏矣伏惟大人先生 儒始能尋其緒而得其真節其道而闡其教其餘 以乖於無窮而萬世道學之宗有所歸矣自漢魏 即山林 朋 擴 經 岩 優

彭庄四库全書

卷

問克盈才德出類政聲遠播德教日新某等四居治 曷足以報稱於萬一 而辱賢侯之知已初紫命名不敢趨赴者誠以下民之 何其幸哉某每與四方師友會聚之間無不樂道賢 分未可犯義而不顧也而大人仁恕不惟寬其逋慢 一盛德與其施為不苟者某素守貧賤不敢求知於 以廣其見凡吾同類莫不仰戴而歸德矣某之愚 又憫其貧乏輕其徭役使得以遂其生賜之古詩令 7 哉惟有日夜精 **明文改集** 動楊勵力求聖 賢 恆 侯

Ż 共講其所聞而不可得於是鄉黨某等捐割已資即 心德行之實故追前非欲求自新之實但終以駕庸之 於壬申歲始師於于先生準至甲戌歲復游康齊先生 勤徳不進志雖寫道未明大恐汨沒一生不足齒於人 之道以求無負為可耳但愚鈍凡庸自幼失學年十四 T. 不堪鞭策而進也思與二三同志別求熊閒之地 門始知聖賢之學不在於言語文字之間而在於 錐 能讀書知文義而進為之術則未聞馬是以功 〈道 錐 身

金定四庫全書

表:

曠之地構屋數間以為犀居講學之所至五千三月師 皆在指掌之間且見利而忘義固小人之常情以公而 幸有賢侯在上素重儒教其所以作養人才振與士 義士某等俱願拾田與易共成美事而某執私不從者 某見多空間麥地五六餘畝在於舍後可作學基復 號馬至今歲同類漸衆屋舍寡俠難以容居止有鄉 吳與弱經歷至所賜之扁曰禮吾書舍盖因其地而 3) 非固敬之深未易以善道開之耶而鄉邦多士咸 玥 文技 保 缡 氣 有 隣 曰

為多士之倡而作與之任實在於賢侯一念之間矣伏 與安之壤土止之他邑固為編小而學者之衆乃倍於 經歌之美以彰候德之盛何獨子游專美于前某人念 城宰邑人皆有絃歌之聲今與學禮吾正使斯人得 程子所謂以官府治民之私者此類是也昔子游為武 之者何如耳某學雖踩寡敢不竭盡心思推廣師 他已豈人情之其哉亦係於在上者之作與與所以 説 聞 倡

治私實君子之大政曷不齊彼公堂具道其所以然乎

銀定四峰全書

表

複會同里姚 望慈仁大雄政令使山林士子成得藏修游息於中以 於學行之大概猶不得聞况其為乎近謁南昌張廷祥 盛而已乎 世則干載之下必有觀感而與起者又豈止於一時之 盡成已之道皆德澤之所及也且使書院之蹟留於後 へこう i ここ 居仁既愚且贱僻處山林多病未出錐聞高明之名至 與莊孔賜 潤始知先生為人之詳才氣抱貧不小 明文版係 2

居仁於戊子年曾奉書於左右未知達否於後雖 \gtrsim 仁幸生同時不能一會簡賢之罪未敢辭也故敬裁 同 而已必也相與講求輔異以成其德業以共濟斯時以 教海幸甚 倡斯道區區所以望於高明者如 以致仰望之意盖古之君子生同其時者非特 林懷想不已盖告在白鹿洞詢知閣下本心故未 與周時 可 址 倘蒙不鄙 病 相 而 敢 困 賜 知

彭安四雄全書

Y

卷

之法見於周禮司徒詳矣自犯盆不得志然後教不行 益得其詳故愚心眷眷不能不發一言以達聰聽也古 於上學乃傳於下秦漢以後上下之教俱無非無教也 才美風教是其任也竊觀自契數五教之後教養選舉 病後謁張廷祥論閣下學行之美又會姚潤華亭兵部 相忘於江湖也但病困中不接外事故不知動履之實 人云儒者進時生靈之幸高明幼學壯行展素為成 所教非教也然選舉之法漢猶近古隋唐則空言 月之故康

欽定四庫全書 其選者以為非此無以為教亦無以革當時之宿弊也 道之言然然先王之教無一毫後世夾雜之弊伊川 實矣至宋則程子發明學制以言於上朱子作貢舉私 祭詳之明道發端以開示神宗而神宗始志甚高故 議以論於下當時雖且於權倖實後世所當法也愚當 復古制故未免於文字考試然必立徳行一科以重 其推擇選舉則一也朱子之議盖欲救一時之弊以 因時制而改酌之雖去其考試之陋亦未免尚供文 ****** 巻き 學 明

議雖可救弊頗似費力今時幸有太祖高皇帝立有歲 嚴而欲貫通經義條析明白又必慎選教官以主教尊 其考厚其詞數年之後道德既重士風不變然後復 道之法慎其選重其職文章一科從增廣者試而進 簡易之法其用力甚易得效甚速不得已而用朱子之 其意切矣愚意後世欲大有為須用明道之言乃乾 又於文字之中命題作義去其工巧駢麗習為深厚簡 ハン・リー・ こここ 法若以徳行才能一科由原膳歲貢而進依做 **明文敬集** 嚴 明明 抻

金兵匹库全書 端仰喬木遺風托絲蘿新好况令嗣俊宜位下孫女早 禮重大婚所以正人倫之首配求自叔是將謹德教之 隨時處中惟高明裁之 行實萬世之幸不然亦當先得此意則權度在我方可 求其意酌今之宜以敷奏於朝萬一天啓亨運一 司徒明道衛子伊川學制朱子貢舉私議熟讀詳味 王之教以去糊名考校之陋此似亦簡易伏望將周 定親書 **Y** 表 i 賜 施 禮

賢道義之契既深婚媾之聯宜講恭惟次令孫男志已 敷宣罔既 致政琴堂晚節仰全於當代隱居迷户考樂竊慕於前 室家而有善敢用不腆之幣以將衷寸之誠寅畏不勝 以垂謙允雖雖鳴雁尚期禮制以無愆灼灼其華更 儒書德業未成於岸序不愧匪偶妄意高門伏沐姐仁 姆訓精儀雍肅於閨門而合弟居仁房下姪男麁學 復余氏定親書 明文设计

金克四库全書 君子葵地此至大至切之事無怪吾兄之皇皇也然葵 冠 春深伏想孝履支勝為慰懷慕中忽承書翰先賜五常 何 宗於聖學獨不小成竊念次合姓女教未就於姆儀 所以藏體魄也以安親為主只要得山脉所鍾土厚 及細葛一束惠爱甚厚都物思人嘶喜併集得知 深之所即可葵也江南之地所患者水蟻然蟻 能淑恭承嘉命允協良緣禮不虛行誠由辭 復 張廷祥内翰 T 卷一 立 先 オ

謹 ソン 之庶免後悔尊兄以為如何 操存省察使表裏如一居仁工夫甚缺願得時賜教墨 奉别歲久愈增懷想一峰既亡所與共事者惟有望 以警不及為幸 塚 慎向與禁本真議不若先將其地鑿成擴穴作成墳 厚為灰隔以制之惟水氣無不通透不可限隔尤 俟雨水浸溫之時開看其中以驗水之有無然後 又復張廷祥 明文放集 概念斯道乏人高明密 垄 宜 於 加

尊兄竊觀近年以來四方士子頗知超向尊兄與一峰 虚玄妙其凌高駕空反成狂妄其入異教也宜矣原其 陷於邪異者又非昔年比也此實吾人莫大之責當明 之 存心之失有二馬只為工夫未至身心紛擾放逸要求 理正心以先之也益昔年之學專於記誦博覽訓話 其所從事者沒而恆近年以來學者立心稍高而不 仔細 功為多雖然尤有可憂者今之士風雖若振於昔年 體驗聖賢切實工夫而妄意聖賢故遂入於空 詞

新庆四府全書

数

たいりる これ 真之中以為無極之真太極之妙此乃吾之真性不生 道凡其知覺運動視聽云為無非至神至妙其日無動 不意此等亂賊生於吾世非但為我兼愛而已其與天 不減無有始終窮盡其曰物有盡而我無盡即 而 理之失亦有二馬以為天地萬物無非此理無適而 在內裏以為存者其心如此自然不服即事窮理故窮 虚靜故有屏絕思慮以為心不放者又有體察照看心 非神即此意也又有懸空想出一箇道理在虚空香 胡文敬集 四六 此意也 洮

向 染也今吾人但當實做居敬窮理工夫使身心內外 何 地 歸於正方有內修外攘之具高明以為如 핡 者居仁不自量其不肯趨赴鄉飲然鄉飲之禮乃 故反尊信之一峰後來亦有曠大之意想必為其所 倫物 制 與邑侯論鄉 鄉射養老者飲國中賢者皆行此禮故其節 其品節之詳見於今之儀禮乃鄉大夫實與 理俱己離 飲 絶 兆 但無父無君而已不知一 何 峰 賢 周

超烷四月

全書

数

繁盛盖萬二千五百家為鄉上大夫為主也養老之禮 ころうころここの 學者習行鄉射今之士子始得想先王之禮是一幸也 此養之禮也庶老則養於鄉之學向者憲副鍾先生率 五更天子以兄事之則民與弟是禮行於上教成於 三老天子以父事之則民與孝三派之有年德者謂之 庠是也其禮必當簡便古者擇三公之有年徳者謂之 但射禮主於習射鄉禮主於飲賓鄉射有賓無介鄉 帝三王皆已行之所謂養國老於上庠養庶老於下 别文敬集

豈 行則 講求未精未能盡乎先王制禮之意益於旅酬之禮 賓介具全其禮節微有不同者向家舉其大節行之但 酌其宜使不失乎先王遗意幸甚 以禮使始終不亂乃善於行禮者禮樂待人而 接而情有不通也至於置席設尊盥洗徹姐皆當節 不信哉伏望就劉吏部處借儀禮與知禮生徒習 則主人禮意不及於衆而敬有未盡也交錯之禮 無以合數而愛有未盡也旅而不語則賓主道義 後 行 行 不 不

超定匹库全書

表:

僕 風 腁 必 下正學 聞天下教流後世馬今賢侯執事於政理之服拳 白鹿書院非 聞古之君子所守甚約而所施則博矣所為甚寡而 及則衆矣是何與 將 公之學有功世教者皆 按 謝南康太守 踵 而至相 倡也正學 知 與 所 講 既典 ゾン 務 其 論 而 別文放集 明 何盖 知所務也故身不出郡 則 切 執 海 琢使聖道晦 事之德也居仁愚 内風 腁 以繼前賢之遺烈 動四方豪傑之 而 榎 明 陋 則 國 拳 士 為 續 敢 而

金定匹庫全書 姑記前賢之蹟為辭章記誦之場也及親文公全集又 冠之時因讀前史知其為第一書院也及考與經學規 尚有望於天下豪傑云 伏承聘命令主白鹿洞事謹於正月二十六日 起行 月初三日入洞竊思廬山白鹿洞名冠古今居仁自 賦又知文公先生昔在其間闡明聖學非若他書院 **惕勉勵以為多士倡若夫成賢侯之志使道施與** 奉 祈祭政鍾憲副莊食憲 卷 明 弱

居仁遭母喪而去李公亦繼以亡矣而書院之廢亦宜 名士絃誦 英才習學故鬱而不彰至潮陽李先生更加完革延請 續及我朝太守程公始創殿堂齊合然未有師儒表率 知文公奏賜敢額始終眷意欲其久而不廢也在元不 也今明執事慨然與復仍命居仁入 J. 17 裁書令門生胡覺高條申 **辣何足以副委任之重是以入洞之後不勝恐** 其間而風教始著居仁之愚亦玷禮聘不幸 妍之敬保 致禀覆夫天下之事得 洞主事居仁學陋 咒 懼齊

汲於奔競者不必招致也况江右素號文盛之地學 遠千里而至作與之道無過於此者若夫凡下之才 英 科舉足以供主司之選豈待與洞以教之哉其間 敦送入洞則士氣必振海內風動豪傑英偉之才必 之絕學以倡明於當時非得四方英明豪傑之士 則與不得人則廢必然之理也今欲與復文公數百年 論切琢於其間曷足以及此伏望廣行推訪有才 明志向高速及純篤温厚者訪得其人命有司以 有志 相 禮 氯

金庆四库全書

炭

意然理義者人心之同然以古道倡之誰不向風但 洞 數人伏望禮請致洞幸甚洞中全無書籍更望印求 以盡修已治人之道者尚非與洞何以聚而教之哉執 居仁在洞风夜就慄教養無效有負賢君子作與之盛 氣不為與好學舉業已通復欲求進乎古聖賢之域 事之意必在於此居仁亦以此望於執事也謹薦所 以賜韓習 祈大祭鍾憲副 士 知

更包回草公島

M

胡文敬集

Ŧ

去請否伏望命下本縣遣使禮請入 既多将來必為世用其澤豈有窮哉向薦舒剛不 於當時光流於後世方不枉費一次作與若成就人 難 習 近少世 反道敗德有玷於文公名教必矣今日與洞務使 頹靡已久人心沉 有問於朱子曰何以能得天下之賢朱子曰權力所 **美若泛取凡庸之才** 底使中人之才皆可漸磨激勵而進復文公之教 がんごう 溺 非惟不能率教必將怠惰 難 お 回 必 得第一等人才相 洞 訓迪後進幸 知曾 道 與 放 才 甚 肆 明 不 倡

火ビの野社等 題利慕勢而來矣居仁謹録詩文數篇以獻併求教正 察之又不及則向之慕之况今明執事以有為之才居 重與洞記不知尊意屬筆於誰海內之士若陳公甫文 乎好善優於天下况與洞乎若好賢之心不篤尊賢之 而行之則天下之賢皆將歸心於賢執事况此邦之賢 及則察之舉之禮際所及則親之厚之皆不及則稱之 可致之位皆能及此又何難哉伏惟以此好賢之心雅 不致抱道之士固將却步而不敢進都陋之士必將 胡文敬集

知敬則心自存不必照看捉摸敬則自虚靜不必去求 照看及捉摸不住索性要求虚靜所以入於空虚殊 虚靜令人不去窮理致知只在文義工綽過又不於 進學則在致知今人不去敬上做工夫只去心上捉 為學大端不出存心窮理二事故程子曰涵養須用敬 金グロカ台灣 錐高然過於高大多是禪學文章張廷祥文精深丘祭 酒文典實惟在大人所 與陳大中 擇 巷 E 模 不

大百日年八十日 處致知是體究到十分明處或讀書或講論或處事皆 安養令堂來某已為尊名於二司不知他來請否 老又遭荒穀量難起身此中租亦因修造貴盡待秋 핡 要十分明盡方是窮理致知工夫只看窮字致字便 兒因母疾未到甚欲大中來此率表士類但令萱年 事物上推究所以只見淺陋窮理是推勘到十分盡 不用其極居仁二月初三日入洞所憂者人才難 與南康府論 狙 胡文敬集 至 得 無

富者亦與之則濫矣亦恐將來不足於用也望容居仁 施給澤錐似善然在洞者賢愚不齊貧富不等若愚者 蒙給租穀方司訓十九日來 洞支給居仁以先父忌 日 憑支給方為允當 審其賢愚高下有無貧富而品節之開其多寡之數以 之憂未得面論益學租本以養賢賙不足此二者義也 金罗巴尼台書 事合義則久而益安不合義則久而必弊昨蒙欲 奉何布政 槩

效有負作與之盛意所賴者有收伯公仰振揚斯文於 宣明訓諸生莫不感悦警懼又衆懷念薄德賜之思書 朱子曰此學不明天下之事决無可為者看來今日天 上在下者必有向風慕義而作者此世道之幸也 華箋感戴何極居仁在洞愈增戰兢恐懼深懼教養無 向令門生至豫章蒙賢伯賜之教言開其本心回洞傳 之事惟學校一事全不可理會益取士不以實行 寄張廷祥 胡文敬集 则

意以致如 所 之妖乎世道至此極矣士生斯世所以立身尤難稍 書多失經古原其所自皆由搜截奇隱以迎合考司之 考者反摘奇搜隱以乘學者之不知欲其倉卒之間 聖賢平易明白正大道理惜不知察近與士子相接 正自立者便與世乖違惟隨俗習非者方得便利苟 措詞學者亦終日搜截竒巧隱僻以應副考者之意 無趨向而教不可施今人非惟失古人教養之法主 此噫豈非朱子所 謂經義城中之賊文詞妖中 欲 解 無

新京匹庫全書

卷

幸甚 嘉命靡不盡心竭力期以成功不幸舊疾復作心腹氣痞 與復白鹿洞此不世之盛典名教第一義也居仁恭承 世教移變士習乎此居仁之愚不能不以為爱而望 非才志卓絕獨立不懼者安能保其不移即况欲挽 ハコリニーニ 廷祥者尤切也令兄服制已終當講明正學以示當世 毒滿身筋骨轉疼盜因廬山風高弱體不堪恐病 解和大条鍾憲副 用文技集 於 回 Ð

銀 克匹 库全書 得志氣不犀趨關 賢俊以聚洞中庶可相觀而善若得道高之人為師又 危湖山隔遠不能達家是以於六月初二日回歸醫治 師 又處此病難愈有荒洞教伏望擇請道隆德備者為之 則後學有宗居仁雖抱疾在家亦無憂慮又望拾 数 至

~~	and after constitu	nicht weigen		and the second			
1					-		
5							į
- 1							
						·	
胡文敬集							
五五							
					•		

					Sales and Activities	到定四庫全書
						W.
						卷一
			Í			
		·				
	L					L

ここうっここ 慢居仁魯鈍固陋人也弱冠時志於此學用工不得其 昔辱賜之佳章銘感曷勝山間無便可以奉答幸恕遅 孔子三十之徒語之而不情者惟顏子則情之為害衆 然行之不力有辜此志又兼疾病繼作故間斷甚多昔 要者十餘年徒自辛勤竟無所得年至三十於體驗 得力才做得聖賢工夫上手於聖賢門户似乎可入 寄新昌王御史 胡文敬集

德足以體仁才足以幹事者乃稱也側聞明執事仁 愚聞德政及民至切而親者莫如邑宰故居此位者必 寸誠 之心字於遠近康足以養徳才足以治事邑治民安宜 其幸數但為貧實所因不能進拜求益姑憑尺贖以達 矣此正吾人所當警策者恭聞賢執事毅然自拔不以 功名富貴累其心則所造所養可知愚陋得生同時 寄安仁張大尹 T 卷一 爱 何

超好四月全書

赞盛德惜乎相遇者解也伏望持守此心精以察之剛 實與吾黨增氣但工夫要體認得真做得密居仁雖似 世衰道微非豪傑特立之士必至隨俗汨没如大中者 以斷之則與安為上治之邑矣 罪咎雖執事之心不以此為榮辱而士君子及民庶不 矣而在上者乃不能察執事本心考執事治績反加以 1.10 m / 1.17 不傷賢者之志不伸也居仁遇上司知已者無不 答陳大中 朔文敬作 稱

向者蒙以政鑒見示先生之心遠矣益欲垂教天下後 金好四月全書 世 施 何 鹿洞事在上者不知擇人多是奔競勢利之徒教不可 內中又任小人行事故辭疾而歸世道窮極如此奈 以澤民也古人著書不得已也有是書則是理明無 認上不差只是做得不密恐學終不能底於成也白 則是理缺如布帛放栗生民不可一日無益其道 寄夏憲副正夫 卷

其 生所著未有推行王政之意未免漢唐以下手段竊 罪 春 王仲淹好名而作首楊老莊據已偏見而妄作哉觀先 未盡故不得已而作如子思中庸孟子七篇程子易傳 明德備修已安人治亂興亡洞然於心見得前人言有 召陵之 如 秋傅朱子集註集傳綱目成書小學皆所當為宣若 此 雖因齊桓晉文之事而準折以先王之道未當許 如盟會則見誠信有不字侵伐 的懂能致屈完之來盟其於治四境安中 則見其擅 典之 國

た己可同公言

胡文敬集

平

金好四周至書 致先王之治也孔明之心正大以與復漢室為事頗 謀天下為心未見其明理正心誠欲救生民安天下 庶幾鄙見如此高明裁之 雖其謀議之善有不可及者然亦要論其不合切切 之道如韓信初見漢祖鄧禹初見光武孔明初見先 بالأ 功亦甲矣雖若與之而奪之之意亦在其間但後 眼睛不識也居仁欲先生因後世之事准以先王 同府 而 主 か

たこうまたが 聖賢之教一而已矣人之資禀不同用力或其而真妄 子然他與才皆可學而進夫親賢取友講求天下之理 乃大人也向者得親顔範而聽言論乃知公實有徳君 而勉使才德之進老而不倦是所禱也 則他進矣居仁與公生同時又同邑故欲與公以學 聞德之勝者為君子才之勝者為小人才德兼全者 而行之政事之間則才進矣反躬實践以至造次 與蔡登 明文农集

今之於心學多入之者以其喜虚靜好高妙忽吾儒 萬事萬物之理無不該也故為心學之害者莫甚於禪 邪正分馬然其初只在毫羞 間究其極不啻千里之 繆 彼之見性不過想像其形似非真能見手天命之性 爭幾何然彼之存心適足以空其心之體滅其心之 之學亦用功於心性而以虚靜存養為主與吾儒工夫 便流入去益其高妙足以動人工夫與儒者甚相 吾道異端是也似是而非者莫如禪教學者舉足一 かく 用 而

金好四月全書

照看一箇心在內裏或用一箇念頭羈制其心使之不 學之甲近厭應事察理之煩而欲徑趨高大無滯礙之 走或屏除思慮使之不出獨達摩髙於諸佛不立言語 ここううこと 只索靜打坐掃除思慮自然心中空豁廣大無邊而 會貫通達夫天命之本原只在空靜之中心不累事 直內其初只是不奈心何故專於靜坐或反觀內視 故也禪學工夫居仁亦當究之其存心之法未當敬 滅天理根原尤速也其於見性未當格物窮理以至 例文放集

義理具在方策更冀熟讀詳究實體於身幸甚 實居仁所爱敬故陳鄙見以為擇善之一助吾儒工夫 形如稿木心如死灰以為能存養也賢友用力於心學 物則至神至妙凡知覺運動視聽無非此箇神通妙用 懸空想出一箇太極之妙以為吾性之真以為覺得此 去歲辱光資未得留奉數日懷久不已敬裁小簡煩吳 自視之高以為天下之人皆莫我若也其自守之陋或 與樂平劉掌教

金克匹庫全書

徳 こう こうこう ここ 廣 致其力也會晤無期聊奉 謂之性感物而應於外謂之情措諸天下謂之事業人 塞錯繆無以應酌萬變故聖賢工夫存養窮格體察交 南達奉大人之心更無别物得此理謂之德具此理 \汨於功名利禄溺於老佛空虚失此本心此理遂昏 大又能主敬察理 者但求理伸勝負祭辱付之天命如此則此心自 與 八張 亮帖 則 學問日進矣益吾人之遇患難 **明文技集** 此以代面話 絘

卸定匹库全書 正所以動心忍性 因他山之石以攻玉也 胡文敬集卷 段清海未能自足今欲進拜恐煩應接不若只在觀 為靜也皆程子張子之在與國寺朱子之在寫湖 論潔日豈今人真不如昔人哉 與季御史簡 表